

Bekymringsmelding frå hovud- og plasstillitsvald i Norsk Sykepleierforbund, og hovudverneombud i Seljord kommune.

Innspel til framlegg av budsjett – utvida kommunestyre 3.11.22.

Me føler eit ansvar for å sei ifrå.

Eldrebølga pustar oss i nakken. I 2029, altså om 7 korte år, er det forventa at talet på eldre er dobla!

Me kan ikkje sjå på at ein ikkje skal gjere noko med sjukeheims plassane i Seljord kommune. Seljord har i tidlegare år fått leige døgnplassar hjå nabokommunane. Det me i dag står ovanfor, er at nabokommunane legg ned plassar. Det er ikkje lenger plass til Seljord sine innbyggjarar der. Døgnpris for overliggarar i sjukehus er 5306 kroner, om kommunen ikkje klarer å ta dei imot. ¹ Analyse som er utført av Telemarksforsking, seier at me treng 72 fleire sjukeheims plassar i 2040, om me skal møte behovet me kjem til å stå ovanfor. Dette er ikkje realistisk å få til, det forstår me – men i dag er det 31 plassar me har å tilby. Me er heilt avhengige av å bli høyrte. Kven, korleis og kvar skal me ta oss av dei eldre?

Då samhandlingsreforma tredde i kraft i 2012, skreiv dåtidas helse- og omsorgsminister Bjarne Håkon Hanssen at om ein skal lykkas med gode pasientforløp, må ein sette kommunane i stand til å gje pasientane etterbehandling, på rett stad til rett tid. ² Har nyleg opplevd å bli kontakta av STHF, som er bekymra for eit pasientforløp som har foregått her i kommunen den siste tida. Ordet kasteball er passande. Då kan ein stille seg spørsmålet om ein har dei ressursane som skal til i kommunen for å imøtekomme utfordringane me står ovanfor, og det allereie nå – kva vil då skje om bare fem år?

Det er heilt klart i vinden at ein skal klare seg lengst mogleg heime. Men kor langt skal me strekke strikken? Tilbakemeldingane frå dei som jobbar i heimetenesta er ikkje bare at ein tek seg av den eldre sjuke pasienten, men også at ein driftar heimar. Kor mange besøk skal ein legge inn, før ein ser at nå går det ikkje meir? Ser pasienten sitt eige beste lenger, og er eigentleg pasienten samtykkekompetent?

Me står i møte med ein generasjon som har høgare utdanning, betre buforhald, er meir vande med teknologi og er meir ressurssterke³. Om me skal klare å imøtekomme dette behovet for yting av våre tenester, held det ikkje med å forandre på dei plassane me har på Nesbukti pleie- og omsorgstenester – utan å gjere noko med bygningsmassa.

Kva kvalitet på tenestene vil du at Seljord kommune skal ha i framtida?

¹ <https://www.helsedirektoratet.no/tema/finansiering/andre-finansieringsordninger/utskrivningsklare-pasienter>

²

<https://www.regjeringen.no/contentassets/d4f0e16ad32e4bbd8d8ab5c21445a5dc/no/pdfs/stm200820090047000dddpdfs.pdf> (side 3)

³ Helse og omsorgsplan Seljord kommune 2022-2034.

Med venleg helsing

HTV for NSF Seljord kommune, Silje Kristin Moen
Plasstillitsvald NSF Seljord kommune, Anne Gry Særsland
Hovudverneombod Seljord kommune, Sigbjørn Tvitekkja